

CABINET CYNGOR GWYNEDD



Adroddiad i gyfarfod Cabinet Cyngor Gwynedd

Dyddiad y cyfarfod:	18 Mai 2021
Aelod Cabinet:	Y Cyngorydd Gareth Thomas
Swyddog Cyswllt:	Sioned E Williams, Pennaeth Adran Economi a Chymuned
Rhif Cyswllt:	32547
Pwnc:	Awdurdod Lletya Partneriaeth Chwaraeon Gogledd Cymru

Y PENDERFYNIAD A GEISIR

Cymeradwyaeth y Cabinet i Gyngor Gwynedd fod yr awdurdod lletya ar gyfer Partneriaeth Chwaraeon Gogledd Cymru.

Dirprwyo'r hawl i'r Pennaeth Economi a Chymuned mewn ymgynghoriad a'r Pennaeth Gwasanaethau Cyfreithiol a Phennaeth Cyllid i gytuno a chwblhau cytundeb cyd-weithio addasedig

RHESYMAU DROS YR ANGEN AM BENDERFYNIAD

Cais i adolygu trefniadau lletya'r Bartneriaeth gan newid yr awdurdod lletya o Gyngor Conwy i Gyngor Gwynedd.

1. CYFLWYNIAD

- 1.1 Bu i'r Cabinet gymeradwyo adroddiad ar 15/12/2020 i Gyngor Gwynedd fod yn rhan o Bartneriaeth Chwaraeon Gogledd Cymru (ChGC) ynghyd â deuddeg partner arall. Y bwriad bryd hynny oedd mai Cyngor Conwy oedd yr awdurdod lletya.
- 1.2 Yn sgil trafodaethau pellach gyda Chwaraeon Cymru dros y misoedd diwethaf, daeth i'r amlwg na fyddai Cyngor Conwy bellach mewn sefyllfa i gynnig bod yr awdurdod lletya. Y prif reswm am hyn yw gallu'r Awdurdod i gwrdd â gofynion gyflogi swydd Cyfarwyddwr Rhanbarthol fel y cytunwyd rhwng Bwrdd Chwaraeon Gogledd Cymru a Chwaraeon Cymru yn yr achos busnes.
- 1.3 Gan fod model newydd cydweithio Chwaraeon Gogledd Cymru yn ddibynnol ar gael awdurdod lletya a chan nad oedd unrhyw bartner arall mewn sefyllfa i gynnig cyflawni'r rôl

o fewn gofynion y rhaglen, mae Cyngor Gwynedd wedi derbyn cais i weithredu fel yr awdurdod lletya.

Awdurdod Lletyol

1.4 Cydnabuwyd yn gynnar y byddai angen cefnogaeth sefydliad lletya ar gyfer y cyfnod trosglwyddo a blynyddoedd cynnar ChGC. Mae hyn oherwydd tri phrif reswm:

- Bydd yn galluogi i ChGC, trwy'r Cyfarwyddwr Rhanbarthol, i ganolbwyntio ar sefydlu'r bartneriaeth a'r deilliannau sydd i'w cyflawni, yn hytrach na recriwtio staff i ddarparu cefnogaeth 'swyddfa gefn'
- Bydd yn galluogi i ni ddysgu am ChGC fel partneriaeth er mwyn datblygu dysg mewnol ynghylch natur a graddau'r adnoddau sydd eu hangen yn fewnol, a pha rai y gellir eu cael yn allanol
- Bydd yn galluogi dealltwriaeth o'r cychwyn cyntaf ynghylch y gyllideb ar gyfer gweithredu'r sefydliad fel rhywbeth ar wahân i hwnnw sy'n canolbwyntio ar gydweithredu i gyflawni deilliannau sydd wedi eu hadnabod.

1.5 Cyfrifoldeb Cyngor Gwynedd fel awdurdod lletya fydd cynnal ChGC ar y cychwyn.

1.6 Cytunodd Aelodau ChGC mai Cyngor Gwynedd fydd yr awdurdod arweiniol ar gyfer pum mlynedd gyntaf y Bartneriaeth. Rôl Cyngor Gwynedd yn benodol yw:

- Bod yn awdurdod lletya ac arweiniol, a chorff atebol, i Gydweithrediad Chwaraeon Gogledd Cymru;
- Bod yn gyfrifol am benodiad a chyflogaeth y Cyfarwyddwr Rhanbarthol;
- Fel awdurdod lletya ac arweiniol, derbyn cyfran gytunedig o arian Chwaraeon Cymru i gyfrannu at swydd y Cyfarwyddwyr Rhanbarthol a swyddogaeth fel yr awdurdod lletya - £159,119 yn y flwyddyn gyntaf, £115,000 yn flynyddol am y 4 blynedd ddilynol (bydd y gwahaniaeth yn cael ei ariannu o ddenu incwm allanol ychwanegol) ;
- Fel awdurdod lletya'r Cydweithrediad, bod yn brif gyswllt ar gyfer ymgysylltu â Chwaraeon Cymru mewn perthynas ag arian Chwaraeon Cymru, ac ymlyniad at ofynion llywodraethu Chwaraeon Cymru ar ran y Cydweithrediad;
- Rheoli Cyfrif ChGC a bod yn gyfrifol am ddyrannu arian o Gyfrif ChGC yn unol â phenderfyniadau'r Bwrdd Llywodraethu;
- Ymgysylltu â gweithwyr mewn swyddi sy'n ymwneud â rheoli a gweithredu'r Cydweithrediad;
- Sicrhau y caiff cyfarfodydd Bwrdd y Bartneriaeth a'r Bwrdd Llywodraethu eu cynnal yn unol â'r darpariaethau ar gyfer y bwrdd.

1.7 Yn ychwanegol i'r uchod, bydd Cyngor Gwynedd yn cynnig cefnogaeth weinyddol i ChGC.

Cyllid

1.8 Ar hyn o bryd, mae Chwaraeon Cymru yn darparu cyllid ar wahân yn uniongyrchol i'r chwe awdurdod lleol, sydd wedyn yn gyfrifol am wario yn eu priod ranbarthau. Bydd ChGC yn derbyn cyllid cronus gan Chwaraeon Cymru (amcangyfrifir oddeutu £2.7 miliwn y flwyddyn ar gyfer y rhanbarth) yn cael ei gyfarwyddo trwy ChGC a bydd penderfyniadau ar fuddsoddiad â blaenoriaeth yn cael eu gwneud gan y Bwrdd Partneriaeth gyda gorolwg gan y Bwrdd Llywodraethu.

1.9 Cyfanswm y cyllid dangosol 5 mlynedd ar gyfer ChGC rhwng 2021/22 a 2025/26 yw £13,529,494. Mae hyn ar gyfer chwaraeon cymunedol; nofio am ddim; cynllun grant lleol y Loteri; cronfa arloesi; a chymorth gweithredu strategol. (Bydd y Cronfeydd Loteri ac Arloesi yn cael eu dal a'u gweinyddu gan Chwaraeon Cymru ond byddant ar gael i ChGC dynnu yn eu herbyn).

1.10 Nid oes unrhyw risg ariannol i Gyngor Gwynedd - bydd ein Hadrannau Hamdden a Phobl Ifanc yn dal i allu gwneud cais am y cyllid i gyflawni prosiectau rhanbarthol arwyddocaol.

2 CAMAU NESAF AC AMSERLEN

2.1 O gymeradwyo'r cynllun, bwriedir ei fabwysiadu yn syth.

3 UNRHYW YMGYNGHORIADAU A GYNHALIWYD CYN ARGYMELL Y PENDERFYNIAD

3.1 Rydym wedi ymgysylltu gyda'r partneriaid / budd-ddeiliaid canlynol:

- Cyngor Sir Ynys Môn
- Cyngor Bwrdeistref Sir Conwy
- Cyngor Sir Ddinbych
- Cyngor Sir Fflint
- Cyngor Bwrdeistref Wrecsam
- Chwaraeon Cymru.

3.2 Barn y Swyddogion Statudol:

i. Y Swyddog Monitro:

Fe nodir yn yr adroddiad fod y Cabinet wedi cytuno i fod yn rhan o'r bartneriaeth eisoes felly y newid yn y fan yma yw fod Gwynedd yn ysgwyddo cyfrifoldebau yr awdurdod lletyol. Nid oes Cyd Bwyllgor statudol fel rhan o'r trefniadau llywodraethu felly, mae'r gofynion adnoddau yn is o ran yr agweddau yma na phrosiectau cyd-weithio eraill.

ii. Y Pennaeth Cyllid:

Mae'r rhestr o weithrediadau awdurdod lletya ac arweiniol sy'n rhan 1.6 o'r adroddiad yma'n amlygu bydd rôl i Cyllid a chyfrifoldebau i Gyngor Gwynedd yn cyflogi swyddogion, derbyn incwm a dyrannu arian o gyfrif Chwaraeon Gogledd Cymru. Fodd bynnag, tra bydd y cyllid gan Chwaraeon Cymru oddeutu £2.7 miliwn y flwyddyn ar gyfer y rhanbarth,

rwy'n fodlon bydd y gwaith lletya a llywodraethu'r trefniadau llai ffurfiol yma ddim mor sylweddol â'r gwaith cyffelyb gyda rhai o'r cydbwyllgorau cyfredol.

Deallaf bydd cyfraniad ar gael i'r Cyngor fel awdurdod lletya, a bydd angen cyfarch costau'r gefnogaeth, gan gynnwys TG ac yswiriant. Nodaf rhan 1.10 o'r adroddiad yn datgan nad oes unrhyw risg ariannol i Gyngor Gwynedd, ac er mwyn gwireddu hynny mi fydd angen i'r gytundeb berthnasol sicrhau fod risgiau cyflogi ac unrhyw ymrwymadau perthnasol, fel colledion posib neu bensiynau, wedi'u rhannu rhwng y partneriaid. Yn amodol ar hynny, rwy'n fodlon i'r Cabinet gymeradwyo'r penderfyniad a geisir.